

籌辦夷務始末

籌辦火務始末卷之三十三

同治四年乙丑閏五月戊辰總理各國事務恭親王等奏
五月二十一日軍機處交出江蘇巡撫李鴻章奏拿獲投
賊洋人請

旨飭遵等因一片奉

旨該衙門妥議具奏欽此臣等查外洋各國風俗每以治人死罪
為太重遇有不法應死之人儘可登時格斃若既經拿獲
則必須訊辦多端設法開脫死罪此外國向來之情形也
白齊文前於同治二年間招雇外國流氓潛赴蘇州助賊
經臣等照會美團使臣蒲安臣再三辯論該使亦以白齊

文投賊為外國之恥。惟中國現在蘇州攻勦髮逆。若於對
仗時將白齊文轟斃。或生擒時格斃。外國均無異說。如另
外設法擊獲。說明後方始正法。與各國而上俱不好。有等
語。當由臣衙門行知江浙等省。如白齊文再行潛入中國。
於擊獲後。仿照臨陣擒獲髮逆之律。即行就地正法。以免
葛藤。各在案。現在白齊文膽敢復來中國。欲往漳州投賊。
洵屬窮兇極惡。此次若由中國地方官擊獲。即可陣前立
時正法。該國亦不能再有異議。但係由稅務司等盤獲。既
經解交中國地方官說明押禁。而英國照會人以該國同
案被獲之克令。應交該國領事為言。並牽涉白齊文在內。

自未便不向美國使臣明定其罪。此次臣等給予署美國使臣衛廉士照會內。歷述白齊文屢次罪狀。並言說明投賊屬實。至應查照前議。即行正法等語。原知該使必不肯任聽中國正法。如該使能自行將其正法。亦可藉完此案。復恐該使另有別議。是以臣等豫將前此議定辦法提明。以杜其藉端開脫之謀。旋於五月二十八日。據該公使照覆。以白齊文既經投賊。已失體面。美國不應庇護。惟可否歸在中國嚴辦等情。應俟恭請國政訓示如何辦理。再為照知等語。尚無矯執。所言恭請國政訓示一語。自因該使甫經接署公使之任。一切未敢自專。亦在情理之中。且該

使措詞既屬近理。將來該國酌定辦法時。當不至再有庇護之事。除俟該公使照知到日。再由臣等查覈情形斟酌辦理。及餘犯應照原奏解交各該領事嚴辦外。相應請旨飭下左宗棠。李鴻章等。先將白齊文暫行嚴密押禁。聽候辦理。至原奏內請將此次訪拏出力之稅務司等。

賞給寶星等語。查前在浙江等省打仗出力之外國員弁。均係給予功牌。此次應准查照前案。由李鴻章等製辦。分別給領。以示鼓勵。

諭軍機大臣等。前因李鴻章奏。擊獲投賊洋人白齊文等。請旨飭遵。當諭令該衙門妥議具奏。茲據總理各國事務衙門奏稱。此

次給予署美國使臣衛廉士照會內○歷述白齊文屢次罪狀○應
查照前議○卽行正法○該使復以白齊文既經投賊○美國不應庇
護○惟可否歸在中國嚴辦○應請國政訓示如何○辦理○再為照知
等語○該使所稱恭請國政訓示一語○自係因甫經接署公使之
任○一切未敢自專○尚在情理之中○自應俯如所請○除俟該國照
知到日○卽由總理各國事務衙門嚴辦○及餘犯解交各該領事
嚴辦外○其白齊文一犯○著左宗棠○李鴻章○暫行嚴密押禁○聽候
辦理○此次訪拏出力之稅務司等○並著李鴻章查照江浙等省
打仗出力之外國員弁○給予功牌前案○妥為製辦○分別給領○以
示鼓勵○原摺著鈔給閱看○

給美國照會

為照會事。接准上海通商大臣李報稱。據署福建提督郭
春稱。該營教習洋人司端畢。於本年四月十九日。在廈門
海口。瞥見白齊文與英國人克令。在司古那船上。詢悉欲
往漳州投賊。白齊文等遂坐小船。至漳州十餘里鎮門河
下。暫住。司端畢即至廈門稅務司報信。適已稅司先已接
得臺灣關訪聞白齊文來廈投漳之信。正派幫辦杆手在
外密巡。遂同將白齊文等拏解郭提督營中。委員訊據白
齊文供認投賊不諱。當即解送閩浙總督左行轅。就地辦
理。請將白齊文一犯照議正法。餘犯解交領事官嚴辦等

因○主據蘇總稅務司申報前來○本爵查白齊文以歐官利
餉之○於同治三年間○私投蘇城製造○購濟軍火○搶奪輪
船○拒敵官軍○種種不法○本爵以此人曾食中國俸餉○甘心
從○逆○不特得罪中國○亦且大玷貴國聲名○自應訪拏正法○
或被官兵轟斃○均罪有應得○照會蒲大臣在案○嗣因戈總
兵代為央求○悔罪投誠○姑免深究○經本爵與蒲大臣網開
一面○議定勒令回國○不准再來中國滋事○上年五月間○聞
白齊文不守貴國法律○私自逃回○蒲大臣以該犯私自逃
回○肆無忌憚○飭令領事拘拏嚴辦○並照會前來○本爵當即
飭知各該地方官○一體嚴拏去後○乃白齊文恬惡不悛○復

敢潛入廈門往投逆賊○始終謀害中國○毫不畏懼○貴國反
中國拳鋒○誠如貴大臣所云○此等行為○即非美國之人○斷
不庇護○除前獲漳州濟匪之花耳僕抵黎葛得勒三犯均
應交貴國領事官辦理○及現獲之克令一犯○應交英國領
事官辦理外○所有言明訪拏正法○從寬赦回○人復投賊之
白齊文一犯○既經稅務司拏獲○訊明投賊屬實○亟應查照
前議○即行正法○以快人心○而儆兇惡○此外如有不守貴國
法律○私自投賊之人○仍希貴大臣行知各口領事官一同
幫助查拏○以敦兩國和誼○仍希照處○為此照會○

美國照會

為照覆事。接到貴親王來文。奉大臣查白齊文一節。去年五月二十四日。准貴親王照會內稱。行知各該地方官。設法一體嚴拏等因。此後並無信息。至今初知拏獲。查條約第十一款內載。應歸領事官懲辦。惟思白齊文屢次藐視中美兩國律法。實屬怙惡不悛。罪所難免。請將此人歸在貴國拘留監內。謹飭地方官不得陵虐。羈留數月。一俟本大臣將白齊文始末原由。先非美國所用之人。既經投賄。已失體面。今私自逃回美國。不應庇護。可否歸在中國嚴辦等情。奏奉慈禧國政訓示。該如何辦理。此異常之案。再為照知。庶為條約而慎刑名。

英國照會

為照會事。頃接住劄福州署理領事官詳報。漳州地方近有外國人三名。被官兵指為從賊。當即拏獲解省。其內查有前從蘇匪美國人白齊文。其餘或僅一名是英民。抑係兩人均為英民。此未可定。茲該領事官聞知英犯解省。立即申陳閩浙制台左。請將英人即飭轉交訊辦。以期照約進行。詎准制台左剴應查和約內所載。外國人有犯事者。均歸各國領事官懲辦。足指尋常犯事而言。若通匪從逆。則所犯至重。雖係外國之人。卻是中國之賊。事在和約之外。等情詳報前來。查此等匪類。果係實同逆賊。即本大臣

毫無憐念。惟思左制台所云從賊一詞。其中原係何情。至
無細述外。查戊午年所定條約第九款內載。英國民如無
照。以及有不法情事。就近送交領事官懲辦等因。又查第
十六款內載。英國民人有犯事者。皆由英國懲辦等因。此
該領事官所請。無非按照條約之據。

貴國省憲。既於外國貨物。毫不能辦。何況性命大案。更無此
權。其理實無可辯論之處。再查左制台劄內。又有飛咨

欽差大臣李提學審辦。其英國人一名。應否一併提解質訊。尚須
聽候江蘇臬憲撫部院李襄毅統候覆到。再酌等語。此本大
臣更思通商各節。係

貴國分派南北各口大臣協理一切。儻外國和約大端不歸總理各國事務衙門專辦。各國疑慮難安。所關和局實屬非鮮。希貴親王飛咨閩浙制台左。署理兩江制台李。各大臣均不能毫無條約。必將英民交與英領事官酌情審明辦理。為此照會。

給英國照覆

為照覆事。准貴大臣照會內稱。漳州地方。拏獲從賊外國人三名。內有英民。請交與英領事官審辦等因。查此案現據上海通商大臣李。閩浙總督左。前後報稱。據署福建提督郭春開。該營教習洋人司端里。於本年四月十九日。在

廈門海口○瞥見白齊文與英國人克令在司古那船上○詢
悉欲往漳州投賊○白齊文坐小船○至漳州十餘里鎮門河
下暫住○司端里卽至廈門稅務司報信○適已稅司先已接
得臺灣關訪聞白齊文來廈投漳之信○正派杆手在外密
巡○遂同將白齊文等拏解郭提督營中○訊據供認投賊不
諱等因○本爵查白齊文屢次謀害中國○甘心從賊○種種不
法○前經本爵照會美國諸大臣○言明訪拏正法在案○茲復
與貴國人克令等潛赴廈門○往投逆賊○既經稅務司拏獲○
訊明投賊屬實○除白齊文一犯○本爵業已照會衛大臣查
照前案○卽行正法○並聲明前獲漳州海匪之花耳等三犯○

凡現獲之克令一犯。均應送交領事等國在案。茲在前聞
除前已議明白齊文一犯外。其餘各犯。本衙門應即行文
上海通商大臣李。閩浙總督左。無論此項內有貴國幾人。
即交貴國領事官秉公辦理。相應照覆貴大臣查照可也。
恭親王等入奏。四月三十日。接據美國使臣蒲安臣照會。
稱該使臣現在回國。所有一切事務。交與該國副使衛康
士接辦。又於五月十三日。據法國副使伯洛內照會。稱該
國使臣柏爾德密現在回國。當將關防文卷。移交該副使
署理。各等因。業經由臣等照案給與照覆。

御批。知道了。

烏里雅蘇台參贊大臣麟興奏○承准總理各國事務衙門
咨到該處勘界大臣明誼奏○查明賽留格木山嶺坐落界
址○原摺內開○如俄國現未派員前來立界○不妨稍為守候
毋庸催令前來○又議覆岑其奏請晚俄文俄語通事原片
內開○查臣衙門俄文館學生○學習僅及二年○所學俱係單
字單句之文○而運貫成文反覆辨論之用○諸生俱尚未臻
此境○未便率行派往○查庫倫地方○與俄國往來行文會商
事件○均用清文清語○蒙古文蒙古語○可由該立界大臣○豫
先行文該國邊界官○將來俄人前來立界○令其帶同通曉
清文清語蒙古文蒙古語之人各等○同○才○悉心查覈○如不與之

行知何以令其帶通事如卽與之行知足又顯露迫促之
跡且前與俄國行文係與該西悉畢爾總督往來備文咨
送塔爾巴哈台參贊大臣交俄國貿易官轉遞現塔城回
匪變亂文報不通至換定契約第九條內載勘定邊界之
俄烏科二處遇有會同俄國查辦事件擬增由烏里雅蘇
台將軍科布多參贊大臣與托木色米珀拉特二省國畢
爾那托爾往來行文辦理目下尚未建立界牌未知其地
在何處人總理衙門議覆不妨姑為守候是以未敢貿然
行文令其帶領通曉清文清語蒙文蒙語之人前來會辦
相應請

旨飭下總理各國事務衙門核議應否與之行文並應行至何處
迅卽示覆以便遵辦等奉

命會同俄使辦理立界事宜前值大雪封山具奏奉

旨卽著麟興於明春承領關防前往妥為籌辦欽此等奉於本年

正月間行文科布多參贊大臣暨劉飭護理唐努烏梁海

印務總管遵照分界大臣議定界址地名查明經由路程

呈報並將應需烏拉駝馬等項妥為豫備去後今准科布

多參贊大臣咨開據派額外筆帖式晉祥會同委員岳嵩

武於四月初一日起程前赴索果克卡倫逐一確切查辦

劉飭杜爾伯特各旗備辦應需烏拉駝馬等項均已分別

嚴飭旋據委員岳嵩武等稟稱行抵索果克卡倫詢問向
東北斜行約計四站可抵賽留格木山嶺惟山勢高大不
能越後宜順由該山西邊向北卽至博果索克大壩尚有
可通路徑岳嵩武順經沿卡間齊之路繞越由齊格爾蘇
台卡倫岔通於四月十五日行抵唐努烏梁海努克穆楞
河地方該處僅有蒙兵數名備設一臺當令該臺兵丁送
傳總管興達遜趕卽同佐勒金再行具稟等語查據定記
約立界訂準日期在本年五月初間等會同能使立界起
止之處應由索果克卡倫起至沙賓達巴哈止惟自索果
克卡倫起至唐努與阿勒坦淖爾烏梁海遊牧連界之博

果索克大燭係科布多所屬地而應由烏科二城立界大
臣會辦約期伊邇所有卡外先期應行查勘立界處所已
屬親往履勘不及已飭令候補防禦格圖肯防禦銜英爾
賡額候補外委武英等先赴索果克卡倫守候於五月
二十日承領關防督同隨帶司員官兵攜帶鉤鉞馳赴索
果克卡倫靜候與俄使會同立界至俄使行抵索果克卡
倫時如將塔爾巴哈台科布多二處境內應立界牌鄂博
定界互換記約等件惟有欽遵疊奉

諭旨商同科布多立界大臣廣鳳將自索果克卡倫起至傳果索
克大燭止應立界牌會與俄使定界再由該處會同俄

使建立唐努烏梁海邊境界牌鄂博。俄該使不與塔爾巴
哈台科布多立界。先至索果克卡倫。或自該卡順賽留格
木山嶺。並無越往路徑。或無通曉俄語之人。抑或科屬杜
爾伯特各旗。不赴按站豫備馬拉駝馬。努亦難與之立界。
總期不至被俄人蒙混。後品。而符記約所載。

御批該衙門議奏

麟興入奏。再正緣摺開據委員岳嵩武稟稱。馳抵唐努烏
梁海努克穆穆河地方。聞阿勒坦淖爾烏梁海及俄兵在
該遊牧庫什業莫多一帶。修治道路。聲言豫備俄國立界。
大臣前來。惟是薩彥唐努鄂拉達巴哈兩處地名。傳集

總管瓦齊爾派米扎蘭等將由烏橋來之費給俄國一張
交令許盛據稱數計薩彥山即係本屬唐努薩勒塔蘇台
噶唐努鄂拉達巴哈即係本唐努鄂呢音達巴哈等處與
前據俄使指明唐努鄂拉達巴哈即係唐努山及分界大
臣將軍明槍按照分定界限據圖考查奏明薩彥山嶺與
巴彥台噶相似名目又不相符正在飭辦聞據報總管興
達遜於五月初六日因病出缺查總管瓦齊爾辦事多年
當即責成瓦齊爾督同該印務處員弁趕緊親往博果索
克大壩守候會勘應立界牌處所並令嚴飭各旗即將立
界處需烏拉駝馬等項先期妥為豫備

御批該衙門知道

己巳三口通商大臣兵部左侍郎崇厚奏前在天津起程時據天津稅務司員貝格面稱該稅司曾充英國武弁屢次出師於戰陣之法均為熟習情願隨營效力等語到營後即函飭天津連李同方通商委員周家勳等派兵送其前來以資教練昨於抵東昌時該稅司並偕同英國告假之武弁民日斯先已趕到等與之晤面查看民日斯人亦老成當經仿照前次葛奈等來營助勦舊章即制令貝格作為教練官民日斯作為副教練官即赴河城鎮神陽與泰霖會同妥為教演以期得加

即批該衙門知道

壬申○督署兩江總督江蘇巡撫李鴻章奏○臣於五月二十
二日○駛抵江甯省城○接署督署○接常鎮道潘鼎新○蘇松太
道丁日昌稟稱○潘鼎新所部淮勇鼎字槍礮隊十營及續
調青浦鳳凰山余在榜洋槍隊一營○陸續拔隊到滬○連日
搬運軍裝○配搭船隻○二十六日已開駛輪船二隻○其餘各
船○僅於二十七八日全數放洋○初二三日當抵天津各等
因○臣於二十七八日○接奉二十一日寄

諭○蘇省洋槍隊止有千名○僅敷留防本地之用○等因○欽奉
諭旨之時○已在各營拔隊登舟之後○無從撤回○臣先已密屬丁日

昌興英領事已夏禮。兵官哲貝等妥議。如將余在榜槍隊
一營調往直隸。卽照數另募一營。派火經戰陣之候補知
府趙宗道管帶。仍駐鳳凰山。交哲貝幫同教練。由丁日昌
節制調遣。已夏禮等初猶疑。嗣經丁日昌反覆開導。並
允於一月內募齊勇數。所有余在榜營中擢去戈登原購
之開花廠洋火箭洋槍等件。為之一一購還。已夏始允。又
欲令洋弁隨往照料。該道等慮事復要挾。再三力阻。該營
現並無洋人隨往。幸余在榜係潘鼎新舊部。恩信素孚。槍
廠精熟。可期得力。實無須再添洋人。致受牽掣。又據潘鼎
新稟稱。該軍十營餉需。素蒙奏請。

飭下直東督撫按月各撥銀一萬五千兩。誠恐兩省分歸易致推諉。孤軍遠役。呼應難靈。又添調余在榜一營。因係洋人教練。在滬未缺一日之餉。到直復行營無定。若待蘇滬接濟。轉折太多。勢必鞭長莫及。若無可靠之款。缺望易生。終恐難得死力等語。

朝廷但以兵力得用為望。臣等尤以餉項無著為慮。若無人管餉。則雖有用之兵。亦將變為無用。仍乞

聖明裁酌示遵。

銜軍機大臣等。奉鴻臚奏。潘鼎新一軍。由滬航海赴津。並余在榜一營。難再撤回。一摺。潘鼎新一軍。業已到津。即著劉長佑飭令

在備船隻由水路前赴張秋一帶扼要駐紮余在傍洋槍隊一營既已北來即令與潘鼎新一同駐守直東交界要地聽候調遣前經諭令直隸山東每月各撥銀一萬五千兩為該軍餉項著劉長佑閻敬銘督飭藩司源源解濟如尚不敷直隸准於天津關動支山東准於東海關動支必須寬為籌備不可稍有遲延缺之

奏為總理各國事務恭親王等奏同治四年五月十七日內軍機處交出廣州將軍兼署兩廣總督瑞麟等具奏摺摺後盤踞香港招夥濟賊逆裔審明正法並請將武職各員暨英國領事官羅伯遜等給予獎勵等因一摺本日奉

旨該衙門奏議具奏欽此。查同治元年英國領事官麥華陀等第
同克復江蘇嘉定縣城。經撫臣李鴻章奏請。由臣衙門照
會該國公使轉達本國。給予議敘。本年五月廈門領事官
柏威林。隨同查獲濟匪古董輪船。經福州將軍英桂等給
予獎勵。亦經臣衙門照會該國公使轉達本國。給予獎敘。
各在案。茲據廣州將軍瑞麟等奏稱。英國領事官羅伯遜
隨同副將陳輝輯等。拿獲濟賊首逆快管勝。懇請給予獎
敘。臣查與領事官麥華陀。伯威林。給獎之案相符。自應由
臣衙門查照舊案。給予該國公使威妥瑪照會。令其轉達
該國。將羅伯遜自行議給獎敘。以昭激勵。至香港公使瑪

沙○政務司末士○幾二人○撥兵看守候遞○實屬深明大義○惟
伊等在该國職分較大○非領事官可比○未便由中國議令
給獎○應由臣衙門於照會該國住京公使時○稱其能體兩
國和好○以示益加親睦之意○該將軍所請給予嘉獎之處
應毋庸議○

御批○依議○

丙子總理各國事務恭親王等奏○烏里雅蘇台參贊大臣
麟興具奏○接准總理各國事務衙門議覆○未敢遽與俄國
行知○請

旨飭議等因○一摺○閏五月初五日○軍機大臣奉

旨。該衙門議奏。欽此。臣等伏查立界一事。雖經勘界大臣明植等。與俄使換有記約。定期舉辦。惟現在西疆未靖。若該國未派立界使臣前來。我處不必催促前來。轉致有所藉口。是以臣衙門於議覆明植查明賽留格木山嶺坐落界址摺內。有不必行文催促。總期因時制宜。以歸妥善之語。嗣經該大臣麟興請派通曉俄文俄語之人前往。臣等因無通事可派。是以議覆摺內。有仿照庫倫辦法。豫先行文俄國。將來立界之時。帶領通曉滿蒙文語之人前來等語。所謂不必行文催促者。謂該使尚無信息到來。不必行文往催。非謂立界一事。即可永遠歇手不辦也。所謂豫先行文者。

謂該使有信息文報到來即可與之行文。告以帶同通事前來並非行文催促也。以上兩層文義各不相背。該大臣竟牽引拘泥。迄無定見。已屬游移無主。原摺內並有應行文何處之語。檢查臣衙門原片內業經指明行文該國邊界。且該國使臣到來亦必投遞文報。其文報由何處遞來。即其應行文之處。此何待都中指點。該大臣又歷敘與廣鳳往來行文。飭查地址坐落及備辦馬拉駝馬各節。又稱約期伊通所有卡外應行立界處所已屬親往履勘。不現已起程赴索果克卡倫。靜候與俄使會同立界等語。查該大臣於應行立界處所既未親往履勘。必須飭查明

晰將地址段落了然胸中。方有把握。萬不可含糊了事。致被俄人蒙混。復查記約內。既載明俄國立界大臣。其東北一起。先與塔爾巴哈台。科布多。二處立界大臣。建立界牌。自不應先到索果克卡倫。果有此舉。是其咎在彼。亦當據約辨論。至所慮自索果克卡倫。順賽留格木山。麓。若無越往路徑。或無通曉俄文之人。及杜爾伯特不赴按站豫備。烏拉駝馬。亦難與之立界等語。俱係憑空設想之詞。其立界處所。應行經過之地。既經往返飭查。豈路徑竟未明晰。若果無路徑可通。則我所不能往者。彼亦難會同前往。惟但可親往之處。必須周歷行查。不得約略計之。即謂不能

越往也。既擬商定俄使帶同通曉滿蒙文語通事前來。又何必定需通曉俄文之人。至杜爾伯特各旗。應備烏拉等項。既據奏稱已由科布多參贊大臣廣鳳劉飭備辦。前經明擅案已入奏。

旨照議。該旗等自當隨時備辦。總之立界一事。既經

簡派大臣等專司其事。該大臣等自當因時制宜。認真妥辦。不得藉詞推諉。今麟興既前往索果克卡倫守候俄使立界。而胸中尚無成竹。必待事事萬里請

命。誠恐往返遲延。致滋貽誤。伏思勘界大臣明擅。經理此事已閱數年。既於該處情形熟悉。且辦事認真。足資表率。相應請

旨飭下麟興於立界事宜。僅有未能定見之處。即就近咨商明旗。
聽其指示。仍不得以等育有人。遇事推諉。致誤事機。並請
飭下明旗於麟興辦理立界事宜。隨時指示。以期妥協。仍行知廣
鳳。轉飭科屬杜爾伯特各旗。將應行豫備烏拉駝馬等項。
趕緊備辦。毋誤急需。是為至要。臣等再查西藏立界一事。
記約雖有定期。現在伊犁。塔爾巴哈台。回匪變亂。一時未
能肅清。即俄使按期前來。亦不能一律辦理。僅俄使亦因
此隔礙。暫不前來。該立界大臣自未便在邊界久候。一併
請

旨飭下明旗。酌度情形。如該國使臣逾期不至。或有照會前來。應

如何將實在情勢照會該國。或酌量改期。或俟地方肅清
再行訂期辦理。以免立界大臣守候無期。礙難立界之處。
由該勘界大臣酌度辦理。一面通知辦興等照辦。以臻妥
洽。而免歧異。

御批依議。

庚辰。雲貴總督勞崇光。著貴州巡撫張亮基奏。查田興恕
現在四川監禁。應由川省就近委員起解。其張茂堂。謝葆
齡二犯。且等當經飭司驗造年貌。其斗事由清鄉迅速詳
委委員。請咨管解起程。查發還新疆官犯。向由本省委員
徑解陝甘總督衙門轉發。惟道路遼遠。經過地方軍務未

境動須繞越該解官路徑未能熟悉誠恐疏虞且黔省軍務興繁正當差遣之員該解官遠赴甘肅往返經年本省差遣人員不敷益形掣肘當此多事之際似宜量為變通臣勞崇光前在廣西巡撫任內以粵西軍務未蒞差遣之員奏明將發遣新疆軍臺官犯由粵省派員解至湖南省城由湖南撫臣派員接解至湖北省城以次照依接解歷經遵辦在案今黔省事同一律自可援照廣西成案將該犯張茂堂等由黔省委員解至四川省城由四川委員解至陝西省城由陝西委員解赴陝甘總督衙門投收聽候轉發庶足以歸簡易而期妥速相應請

旨飭下四川陝西甘肅各督撫。一俟該犯張茂堂即張心培。謝
葆齡解到。迅卽由各該省委員接解前進。嗣後遇有發遣
官犯一體照辦。俟軍務肅清。再行查照舊章辦理。

諭軍機大臣等。勞崇光等奏。請將務遠要犯。由經過省分依次接
解等語。貴州因與案內。應發新疆之革員張茂堂即張心培。
謝葆齡均係獲罪要犯。勞崇光等以道路遼遠。經過地方軍務
未靖。動須繞越。解官未能熟悉路徑。深恐疏虞。且黔省差遣乏
員。動形掣肘。請援照廣西成案。由四川陝西甘肅依次接解。自
屬實情。著照所請。一俟黔省將張茂堂等解至四川省城。卽行
由川解陝。由陝解甘。駱秉章。楊岳斌。劉蓉。務飭各該省所派委

員○小心快遞押解○毋稍疏忽○嗣後遇有發達官犯○一體照辦○俟
軍務肅清○再照舊章辦理○田興恕是否尚在四川省城○並著崇
實○駁來章○將該革員速行起解○毋得日久稽延○

己丑○烏里雅蘇台將軍明誼奏○本年五月二十八日○接准
伊犁將軍明緒等○咨到該將軍於上年十二月十八日具
奏片○案內開○查伊犁分界事宜○前經明誼等與俄國使臣
議定互換信約○其應給地圖○亦經明誼等奏明○令俄國使
臣繪畫數分○送由塔爾巴哈台分行各處○以憑辦理○請
旨飭下○聲明誼○趕緊將地圖迅速送交伊犁○以便該國使臣明春
前來持圖立界等因○加函由俄國邊卡臺驛行知前來○伏

查塔爾巴哈台回民於本年正月間叛亂。道路梗阻。迄無
大報。其俄使補畫圖誌。已未送到。無從得悉。伊犁立界訂
準日期。係在本年五月初間。已屬贈送不及。且努摺回本
任。換約圖誌一分。烏里雅蘇台立界大臣赫興起程時。已
交帶往。無憑照繪。况俄人詭譎性成。就使照繪一分。亦恐
該使藉詞生疑。轉多波折。查科布多立界大臣廣鳳。因未
接俄國補畫地圖。曾經奏明。現已攜帶委員阿克敦佈。去
年帶回之俄使原繪小圖前往。是科城無庸補繪。而伊塔
二城。恐無定界原圖。殊失依據。詳查明緒。咨到奏案內稱。
俄人自行繪畫地圖。現已刻木成冊。難以挽救。兩國既當

修好之際。若再興之較量爭執。不特失信外。且恐另生枝節。來函內又云。伊犁已借俄國之兵。前來助剿。並假道遼文。欲俱允諾。各等語。以此觀之。俄國與伊犁修好。已有可恃。若由該將軍徑向前來伊犁之俄使。詢問該國應送塔城補畫圖說。儻年前未經送交。催令迅速送至伊犁。以便交給伊犁立界大臣。執據建立界牌。鄂博。該使臣不能不踐前約。如已送往塔城。與該俄使婉言開導。今再趕緊補畫。以便就近分交各該立界大臣前往辦理。該國急於定案。諒亦無不樂從。相應請

旨飭下明緒。就近徑由俄國領取定界圖說。一俟送到之日。飭令

去年伊犁派往塔爾巴哈台委員協領扎珠哩。及兩城從前在事各員。並此次奏請改派伊塔二城立界大臣。按照議單詳細表冊。請授將軍庫切表定。飭交各該城立界大臣。執持前往。會與俄使按照分定限道。建立界牌鄂博。庶可取信外國。而免另生枝節。方與此案有濟。

御批該衙門議奏

壬辰三口通商大臣兵部左侍郎崇厚奏。前據天津稅務司貝格。帶同英國告假之武弁民日斯。一同到營。經督飭派前赴阿城鎮歸隊等情。奏報在案。茲查現在捻氛遠竄。河防形勢稍鬆。天津新聞稅項。正當紛繁之時。事務緊要。

必須該稅務司回津經理。庶昭慎重。除飭該稅務司帶同民日斯由東起程回津外。理合附片陳明。

御批知道了。

六月乙未。伊犁將軍明緒奏。查回匪逆陷各城。逆族甚熾。萬不受撫。必須痛剿。項接科布多咨稱。餉銀已解到五萬兩。煙滿地。頗虞疏失。仰懇

天恩。飭下總理各國事務衙門。轉商俄國。住京公使。託其迅速飭知沿途臺站。將此項餉銀代為解護。借由該國邊卡臺站。行起。則既妥且速。其部撥餉銀六十萬兩。除哈密。巴里坤。古城。奇台。一帶軍餉。所餘共銀三十六萬兩。剩下各該省。

自己陸續進

旨迅速解到科布多。聽候迎提。此項銀兩。部撥在前。解到較遲。伊犁軍需。萬分緊迫。等語。擬一面奏

聞。一面即行派員。由俄國臺站。馳道馳赴科布多迎提。請

旨飭下總理各國事務衙門。知照俄國駐京公使。借由該國道路。

會同伊犁委員。迅速接解前來。以救倒懸之急。明愼因俄人建立界牌。奏籌善後事宜。

諭令等。等相度地勢。體察情勢。豫飭在事員弁。隨地隨時。密為布

置。自當謹遵辦理。查俄使前來伊犁。建立界牌。等語。惟有悉

照明愼上年與之商定條約所議兩國分界地址。東公義

辦斷不敢令其肆意侵佔。別生枝節。惟所贈之圖尚未送
到。曩時所難措置者。因布魯特。哈薩克等。多年內仍懷俄
人侵占基址。概行驅逐。以情勢而論。殊難奪其生計。為祈
難處。為該國所陵侮。有所不忍。故思多方安撫。毋令失所。
今則所有內附者。悉皆叛去。並劫回為虜。四出殺掠。似此
實頑梗化。萬難再示招徠。止得聽其散居卡外。暗加防範。
可期地方漸臻安撫。俄人所借之兵。雖經允諾。但既有五
月分界之說。是否按期前來。尚難豫料。俟該國兵到時。才
休沐請練。老成通權達變之員。會同管帶。外雖與之接洽。
周旋。內則不令魁柄旁落。借力而潛消妄念。睦鄰而無損。

國威○若及早歲功○刑庸不惜厚養○等惟當恪遵

訓誨○不將兵權委諸外國○諸事以穩臣李鴻章○左宗棠○辦法為準○

等查自上年十月所發摺仰○至今已計十四次○均未接奉

批○通○仰○懇

天恩○將上年十月以後所奉

諭旨○飭下軍機處恭錄○封交總理各國事務衙門○轉交俄國住京

公使○借由該國臺站○迅即遞至伊犁○俾李有所遵辦○

御批○該衙門速議具奏○

戊戌○總理各國事務恭親王等奏○定邊左副將軍明植具

奏○接准伊犁將軍咨○取定界圖○隨來文○已遵定準立界限

期。不久繪送。擬由該處徑向俄國調取等因。一摺。閏五月二十六日。軍機大臣奉

旨。該衙門議奏。欽此。臣等伏查該將軍所奏。接准明緒行知催調地圖。同塔城回匪叛亂。文報不通。其俄使年前補繪圖誌。已未送到。無從得悉。而該將軍攜回本任換約圖誌一分。已交麟興帶往。無憑照繪。且由我處照繪。亦恐該使生疑。等語。自係實在情形。該將軍同約期已滿。為一時權宜之計。擬由伊犁將軍明緒。徑向前來伊犁之俄使。詢問應行補繪圖誌。無論已未送交塔城。今再趕緊補畫。以便就近分交各節。既由該將軍咨行明緒查照。應卽如所議辦理。

相應請

旨飭下明緒所有由俄國胡申圖站一俟送到之日即按照明誼所奏飭令委員協領扎珠哩及兩城從前在事各員並伊塔二城立界大臣按照議單逐一詳加覈對復由明緒確切覈定再行分交各該城立界大臣執持前往立界萬不可稍涉含糊致受蒙混亦不可另生枝節轉啟猜疑是為至要再明緒上年十二月十八日具奏片稟臣衙門未據咨報有案所稱奏請改派立界大臣亦未知其改派何人或路途阻滯尚未奏到應由明緒查明覆奏候

旨定奪合併聲明

御批依議○

烏里雅蘇台將軍明誼奏○伏查西路回氣正燠○文報不通
現經明緒具奏○假道俄國○傳遞文報○未知該國送交我處
何卡何解接遞○努爾難批飭前送臺卡○送由俄國遞往○努
奏明飭發伊犁將軍明緒公文○送科布多參贊大臣廣鳳
等屬交伊犁派來迎餉委員帶投○以免浮沈而期妥速○
御批知道○

科布多參贊大臣廣鳳奏○竊○努廣鳳欽承

簡命○專司科城立界事宜○本年四月二十二日○承准總理各國事
務衙門咨到該衙門議覆定邊左副將軍明誼奏立界未

盡事宜。據籌辦法摺案內云：現在立界限期伊過，回疆軍務未靖，如俄國未經派員前來立界，不妨稍為守候。毋庸催令前來等語。鄂隨將行裝備齊，先派候補外委閻深泉赴卡探詢。閏五月初七日，據該員稟稱：並無俄使來卡信息。查約期已過，俄使無前來信息，自係因我回疆軍務未靖，應行立界之處，尚未會辦。如鄂赴卡倫守候，僅俄使今歲不來會辦，徒勞臺卡。於事無濟。鄂復派候補筆帖式採福馳赴瑪呢圖噶圖，勒幹卡倫守候探詢。俟探有俄使前來之確信，稟站前往。會同該使建立科境應立界牌鄂

傳

御批○該衙門知道○

辛丑○伊犁將軍明緒奏○竊查新疆回匪滋擾○徧地皆賊○一
綫稍延○輒為唇齒之依者○則巴城○塔城○最關緊要○棼因錫
霖不肯發兵救援伊犁○又不能撫綏回漢○以致塔城軍民
回怨○互生疑懼○是以奏請撤任○委武隆額前往署事○至今
尚不知曾否接印○至巴燕岱經該回紮營數處○攔截要路
惟有等候俄國救兵到時○或有生路○據遞送摺報之防禦
喀爾春布等回城稟稱○塔城外來漢回數千名○勾串本處
回匪哈薩克○肆行搶劫○道路阻滯○督運次所發摺報○再四
訪查○實無可通之路○查俄國通商條款第十一條內載○俄

國與中國往來行文均由臺站迅速行走不得遲延耽誤
照指明地方投遞毋致舛錯所有驛站費用由俄國同中
國各出一半以免偏枯又續增條約第十三條內載兩國
互相行文照例按站解送設有重要事件恐有耽誤即交
俄國可靠之員速送各等語現當路途梗阻止得按照條
款將四次摺報派員會同俄國卡官齎交科布多參贊大
臣轉遞一面咨行該國而悉畢爾衙門及卡官遵照妥遞
並請

咨飭下總理各國事務衙門知照住京公使轉行西悉畢爾衙門
嗣後如有往返摺報公文均借俄國軍臺卡倫道路行走

其應需臺費若干及應否我國特派官兵按臺駐紮接遞公文之處請由總理各國事務衙門與住京公使會議章程知照前來以便遵辦等一面行文知照俄國西悉畢爾衙門令其速將塔城之哈薩克嚴行收束毋令被回匪勾結滋擾

御批總理各國事務衙門速議具奏

明暗人奏再刻下軍餉涓滴俱無所有協撥各款並未解到分毫因思伊犁現借俄兵修好和協擬將部撥伊犁餉銀額懇

皇上天恩飭下戶部即將此項交俄國住京公使代為由該國臺

卡道路解送伊華。其所需臺費腳價若干。均議明在餉銀內坐扣。並請

旨飭下總理各國事務衙門王大臣。與住京公使會議。速為照會該國。迅即借由該國道路。將餉銀運解伊華。以救倒懸之急。

御批。該衙門速議具奏。

明緒又奏。再查前因回匪變亂。城圍緊急。於萬不得已之中。行文俄國。借助俄兵。於正月二十二日。據該國達員索特納克齋文前來。率以禮相待。犒以酒食茶幣等物。恭順喜悅。拆閱來文。係該國帶兵官雅那拉爾等三人聯名。寥

界數語其意以為借兵救援之事已經該國王應允特因
大內並未述及接京都回信之語故兵到稍緩查借兵一
事該國因未接京都總理各國事務衙門公文無以為憑
故覆文據實告以早經入奏因途長梗塞尚未奉到

諭旨即此次貴國遣員來俄並大書往還均即具奏惟值該國兵
隊迅速前來會同進剿查該回匪占踞金頂寺城奪獲我
兵槍斃兇徒愈熾加以綏定等五城吏屬空虛索兵請餉
紛紛告急勢無兵無餉止以空言撫慰力絀計窮終虞譁
演若非借助俄兵伊犛實難保守且刻下正值春耕該國
不久自必前來建立界牌鄂博正可與之修好和睦並無

外視之心必可為我出加而所望者聞內勤撫秦相隔萬
里緩不濟急該國雖允許會剿尚不知何月始到○李再四
思維若該國兵到肯為出加不難掃穴擒渠而事後如何
酬謝之處將來萬里請

命未免有需時○李萬裡為難茫無主宰惟有籲懇

皇上天恩俯念邊疆重地

飭下總理各國事務衙門王大臣迅速照會在京公使轉行西急
畢爾衙門催兵速即前來以解倒懸之危○果能迅速奏膚公
其東南兩路可否仍藉該國兵力一鼓作氣克復各城之
處○李未敢專擅伏乞

皇上訓示遵行。

御批。總理各國事務衙門速議具奏。

乙巳。烏里雅蘇台參贊大臣麟興奏。據委員岳嵩武稟稱。五月十八日。馳抵索果克卡倫。經該卡作衙隆安。差派卡倫章京赴阿勒坦淖爾烏梁海。傳調總管齊察罕。莽岱。攜帶烏拉。前往賽留格木山嶺。引導設臺。以便查勘。旋據該卡章京回報。奉派往調阿勒坦淖爾烏梁海總管。經俄官言稱。你們卡老爺無故傳調齊察罕。莽岱赴卡。有何官事。我們立界大臣未奉。你們大人屢次派員來卡。是何意見。若你們官員私越我們邊界。定必差人往拏。就是你們再

來○亦必將你們扣留在此等語○查賽留格木山嶺立界處
所○非該阿勒坦淖爾烏梁海總管前來引導○不能查勘○茲
俄人將齊察罕等阻隔○不准來卡○亦不准我處官弁私行
越卡○止得由卡返回○並據科布多委員普祥稟稱情節○與
岳嵩武所稟無異○查烏里雅蘇台應立界牌鄂博處所○尚
不止賽留格木山嶺一段○若因此一段不能前往○其餘各
處○均停查勘○誠恐立界之時○毫無把握○辦理愈難○復派岳
嵩武趕緊前赴索果克卡倫○順卡復至唐努烏梁海地方○
將應立界牌處所○照依地圖所載山河名目考實○逐段詳
細親身履勘○繪圖呈報○

御批著一併咨照明諒商辦

麟興入奏竊於本年五月二十日由烏起程二十八日
馳抵科城前派密探俄使委員往索果克卡倫守候至閏
五月初四日俄使無來卡之信該卡協理台吉等言卡倫
並非臺站可比甕房燒燬實係艱難不能支應侍衛隆安
言你等暫為旋回俟俄使有到卡之信侍衛趕緊呈報大
約不至有誤隨於是月初五日由卡返回等咨商科布多
大臣轉飭所屬應幫臺各旗俟等到卡守候俄使前來立
界之時其應需甕房水火駝馬馬拉等項能否支應旋准
咨覆若在山卡人住等候立界斷無應付之費等前已奏

明馳赴索果克卡倫候與俄使建立界牌鄂博今若赴卡
守候各處不支應乾房水火等物所帶官兵豈能令其野
宿生食以待立界惟有仰懇

天恩○是否仍赴索果克卡倫守候○抑或暫在科城守候○俟卡倫
侍衛陸安呈報到日○再行赴卡○伏祈

聖鑒○

訓示遵行○

御批○著遵照工月十三日總理各國事務衙門所奏○就近咨商明
確指示辦理○

丙午○戶部會同總理各國事務恭親王等奏○伊犁將軍明

儲奉。伊犁需餉緊迫。擬派員繞道提解。並請續撥餉銀一
摺。同治四年六月初二日。軍機大臣奉

旨。該衙門速議具奏。欽此。伏查臣部前後共奏撥新疆餉銀一百
三十五萬兩。內專撥伊犁軍餉銀二十萬兩。新疆軍務緊
要。各城軍餉浩繁。若不速籌接濟。恐致貽誤事機。擬再撥
山東地丁項下大解元年京餉銀十萬兩。河南地丁項下
大解元年京餉銀十萬兩。請

旨飭下山東巡撫閻敬銘。河南巡撫吳昌壽。迅速派員解交山西。
遞解科布多收存。知照各城。分提應用。其本年兩次奏撥
新疆軍餉共銀三十五萬兩。並前撥本年新疆經費。作為

新疆軍餉銀四十萬兩。以及上年原撥未解餉銀均請
嚴飭直隸四川湖廣總督。山東山西河南湖北各巡撫。迅飭藩司
次第籌撥。源源解往。毋稍延宕。以濟要需。至原奏內稱。科
布多已到餉銀五萬兩。並山西山東河南等省應解餉銀。
自己陸續解到。科城。請知照俄國住京公使。借由該國道
路。會同伊犁委員接解等語。總理各國事務衙門查假道
運餉一節。該將軍自係因伊犁軍餉緊迫。沿卡臺站便道。
不得不設法變通。期免疏失。臣等於會晤俄國使臣時。將
此節向其詢問。據稱近接該國邊界官咨報。中國解到科
布多餉銀。已由伊犁派員。由俄境來科迎提。在覓俄人駝

免由該國境內臺北解送伊犁。該國邊界官已經允為幫同護解等語。是此事該住京公使尚無異議。至究竟借道運餉有無解費及如何議定詳細章程尚未據伊犁及科布多咨報。請

旨飭下科布多大臣等將假道運餉之事係與俄國如何定議及有無詳細章程趕緊咨報。臣衙門以憑裁辦。

諭軍機大臣等。前據明結奏伊犁需餉緊迫擬派員繞道提解並請續撥餉銀一摺。當經降旨交該衙門議奏。茲據戶部等衙門奏稱新疆軍務緊要各城需餉浩繁若不速籌接濟恐貽誤事機。擬再撥山東地丁項下欠解元年京餉銀十萬兩。河

南地丁項下欠解元年京餉銀十萬兩。由各該撫派員解交山西。遞解科布多收存應用。並請飭直隸等省各督撫。將本年兩次奏撥新疆軍餉。及前撥本年新疆經費。作為新疆軍餉銀兩。並上年原撥未解餉銀。迅即如數撥解。以濟要需。各等語。伊犁等城。自逆回變亂以來。調兵募勇。需餉孔殷。亟應設法籌撥。以濟軍實。著閩散銘。與呂壽。即將部撥山東地丁項下欠解元年京餉銀十萬兩。河南地丁項下欠解元年京餉銀十萬兩。迅速各派委員。解交山西。遞解科布多收存。知照各城。分從應用。所有本年指撥新疆軍餉。前撥本年新疆經費。並上年原撥未解餉銀。即著官文。劉長佑。呂采堂。閩散銘。與呂壽。鄭敦謹。王榕吉。

迅飭各該藩司次第籌撥源源解任毋得再行延宕○

恭親王等人奏○再本年閏五月二十三日○准兵部轉據密
雲副都統咨送天津洋行私販馬匹人犯陳起趙八二名
並騙馬七匹○及洋行字據四紙○咨請嚴辦前來○臣等伏查
私販馬匹○久已嚴禁○一經查獲○例應入官充賞○條約內雖
無禁止私販騙馬明文○然各國洋商入內地販買貨物○無
論本商及違用內地商民○均須照章稟明管關監督○請領
三聯單照○卽各國公使由天津運送自用物件進京○亦須
由領事官知照○三口通商大臣發照驗行○今天津利記仁
記洋行○違內地人陳起等○赴喇嘛廟採買騙馬○並不呈請

三口通商大臣執照自應照私販之例辦理

御批知道了

丁和總理各國事務恭親王等奏軍機處交出明緒等正月二十三日附片一件二月摺一件附片一件均奉

諭旨交臣衙門議具奏並據該將軍等鈔錄原奏摺片咨送前

來臣等查三年十二月間明緒奏伊犁城圍緊急請暫借

俄兵助剿等因臣等因其時該將軍業經行文該兩省畢

爾衙門向其暫借亦未聲敘如何與之要約惟再由臣衙

門照會在京公使措詞稍涉歧異反致多所齟齬是以面

見俄使僅向其口詢大概並言現在道路梗塞如俄國有

何信隨時通知本衙門仍屬其諭知該國邊界官惟中國
官民向俄國購買應需物件務要相助毋令賣給回匪軍
械大藥等件該使聲稱兩國和好多年有事自當相助嗣
因伊犁文報不通明緒向該國借道遞送曾經該公使於
前月向臣等告知已行知該國邊界官凡可幫助之處皆
當允諾以敦友誼等語此次明緒奏稱假道運餉該國臺
站既經允為代解自必時加保護臣等詢據該公使及該
繕譯面稱已經行知照辦並據該繕譯官函覆大約相同
現在遞到指匣數件即係由伊送來至借兵助剿一節本
屬萬不得已之舉而用之伊犁尤不無意外之處緣該處

與俄界毗連。非比江浙各省。我以大兵鎮撫其間。華參用外國兵弁。仍派員會同統帶。不以兵權委諸外國。不獨彼等遠涉重洋。派軍深入。而且各國軍影互相猜忌。意在保商獲利。尚不至別有覬覦。至伊犁壤地相接。僅止俄商在彼貿易。勢專而利微。並無別圖牽制。若專恃該國兵力。克復各城。恐功成之日。或萌異志。不無盤踞滋蔓之慮。然際此各城淪陷。伊犁十分緊急。該將軍等照會該國。西志畢爾衙門。向伊借兵。自係萬不得已。為此急則顧標之策。若不照該將軍等現議。准其借兵。藉示聯絡。更恐回匪從而生心。陰與勾結滋擾。其患更不堪設想。是以上年十二月

聞於該將軍等奏報曾借俄兵相助摺到即經欽奉

諭旨○急則治標尚屬可行○並告以借力外邦○不可不慎○俾因時制宜○防前慮後○使其為我用而不為我患○今據該將軍奏稱○遵照前奉

諭旨○俟俄國兵到時○派員會同管帶外○雖與之接洽○內不與之魁柄○甚合駕馭外國之法○惟疊接該將軍奏咨各件○內述借兵助勦情形○似是俄人允許○已有成局○比及臣等連向該公使繙譯等設法探聽○一面加以款動○其於假道運餉○飭該國官員照料幫助○極口應承○而於借兵助勦一事○情詞頗屬閃避○及詢該國邊界住兵若干○則稱邊界一帶○每

處住兵不過數十數百亦如中國之邊界設卡巡查並無
屯紮大隊人馬據此情形一似已知臣等欲向伊國商量
借兵故先作此藉色臣等查外國情性多急苟非陰謀秘
計不難一觸卽露其機今借兵一節屢次閃避不答難保
非俟我之降心相從彼因得行其乘機挾制之計臣衙門
若遽給以照會不獨措語恐與外間情形稍有隔閡轉致
辦理參差難為將來轉圜地步且恐當下藉勢要挾正中
其謀僚所請萬不可從彼時尤卻兩難更覺難以收束擬
請

飭下該將軍等如果俄國許借官兵該將軍等業經議有成局自

未便稍涉游移○失信外國○其事後如何酬謝○及東南路各城○可否邀其乘勢克復各節○但得無礙

國體○均應由該將軍等隨時相機酌辦○勢難從中遙制○僅俄國許借官兵○本不確實○該將軍等尚須從長計較○設法妥籌○臣等現在仍與該公使繙譯等往來接晤○有機卽來○將來如有須用照會之處○再由臣衙門隨時察看情形○酌量辦理○臣衙門辦理外國交涉事件○所有委曲求全情節○曾經函致該將軍大臣○諒各將軍大臣必均能殫竭血誠○不辭苦難○以期共濟時艱○

恭親王等又奏○再該將軍等於借兵助剿一節○等及與之

接洽。不子以魁柄。於駕馭外國機宜。已得妥領。惟俄人助
我攻勦之時。正俄人與我分界未定之時。若該國允借之
兵。與該分界大臣同時偕來。該將軍須查照。臣衙門前次
議覆明誼奏請。由伊犁徑向俄使調取地圖摺索。今其補
繪二分。詳細覈對。以為展緩之計。僅該分界使臣欲先分
界。後助勦。須善言開導。告以分界助勦。判然兩事。此時地
圖未經繪造。自應先行助勦。庶不墮其逞兵挾制之計。致
令侵占愈多。總宜通盤籌畫。不可顧此失彼。此外應行處
置防範事宜。該將軍等均須據為籌畫。不可稍涉大意。是
為至要。至該將軍等所稱喀薩克助回為寇。難再招徠。自

無庸再議安插。較之從前辦理似易為加。惟行兵之際。倏忽變化。無從逆料。應由該將軍等隨時察覈情形。斟酌妥辦。

恭親王等人奏。再明緒奏摺內稱。以後所奉

諭旨。飭下軍機處恭錄。封交總理各國事務衙門。轉交俄國住京公使。借由該國臺站。迅速遞至伊犁等處。臣等查該將軍所奏。自係因塔爾巴哈台道路不通。欲仍假途遞回。以期妥速。本月初十日奉

上諭。武隆額奏。現經調兵擊退圍城賊匪等因。欽此。是塔城道路可望漸次疏通。惟沿卡臺站能否照舊馳遞。尚未可定。是

以此次會議及遵議該將軍各摺件。臣衙門擬照錄一分。交兵部由中國驛站馳遞伊犁。另錄一分由臣衙門封交俄館。加添俄字包封送回。臣衙門再由臣衙門交兵部加封。馳遞恰克圖部員拆去兵部包封。送交俄國臺站。代為轉遞伊犁。相應請

旨飭令軍機處將應行該將軍寄

諭除交兵部由中國驛站照例辦理外。仍另錄一分封交臣衙門。以便與臣衙門應發各件。敬謹封固。按照前議辦理。庶可迅速而免貽誤。

諭軍機大臣等。本日據總理各國事務衙門奏。遵議伊犁假道運

餉及借兵助餉情形已向俄國公使面商假迫還餉該公使素
經允諾至借兵助餉一節探詢該使則稱該國邊界住兵無多
並無屯紮大隊人馬揆其情詞頗有閃避之意請飭該將軍自
行斟酌辦理各等語明緒所借俄兵是否議有定局僕該國已
允借兵相助其如何安籌駕馭及事後如何酬謝均須相機酌
辦總期有裨軍務無損國體如該國許借官兵本不確實明緒
尚須從長設法無中其要挾之謀或酌借精兵數百名俾充前
敵以振我軍之氣或借其精利火器及炸廠等件衝銳攻堅或
仿照江浙洋槍隊辦法參用外國人教練火器明緒實心任事
必能不解艱苦共濟時艱明緒續到摺報數件即係由俄國送

和並據俄國使臣聲稱該國邊界官咨報科布多餉銀已由伊犁派員由俄境迎攬。查覓俄人駝隻運送等語。是借道運餉一節該公使尚無異議。至科城運解餉銀有無解費如何議定章程尚未據明。緒廣鳳等奏到。即著將此項餉銀是否已由俄境起解。現在辦理情形由五百里迅速具奏。戶部前後奏撥新疆餉銀共一百三十五萬內專撥伊犁軍餉銀二十萬兩。現因軍務緊要復奏撥山東河南地丁項下火解元年京餉銀各十萬兩。業經諭令間數。吳昌壽迅速籌解。其前撥餉銀亦諭令直隸四川湖廣總督。山東山西河南湖北各巡撫次第籌解。以濟要需矣。所有撥定各省之餉如陸續解到科城。即著廣鳳。奎昌。

迅速知照明緒。派員迎提。由俄境臺站運送。如中國臺站道路
已通。即仍由舊道行走。以期迅速。總理各國事務衙門片奏。俄
兵如肯助勦。俄與該分界大臣同時並至。應令明緒查照該衙
門前奏。徑向俄使調取地圖。勘勘。令其補繪二分。詳細裁對。以
為展緩之計等語。著明緒。明。與等。豫籌防範。不可顧此失
彼。是為至要。至哈薩克助回為寇。自毋庸再議安插。即著該將
軍等隨時察度情形。相機安辦。現在俄國臺站。既允代遞公文。
所有此次寄諭一分。及明緒所查疊次批發各件。暨所降諭旨。
除交兵部由中國臺站照舊遞送外。並令軍機處將本日寄諭
另繕一分。並將歷次批發各件。另繕清單。一併封交總理各國

事務衙門加封轉交俄國公使用俄文加封由兵部發交恰克圖送交俄國臺站轉遞伊華明緒此後指報亦可照此辦理一分由中國臺站馳遞一分由俄國臺站轉遞以免遲延遺失

俄館編譯柏林信函

啟者上月二十三日世錄各堂曾與倭欽差談及伊華將軍

派員往科布多領餉一事本月四日本總辦在署面奉俄使

大人命將此事情形詳詢一切茲已得知上月二十二日

倭欽差接到西悉畢爾總督公文據邊界官報稱本年三

月十四日有伊華官員來此三名攜有公文包裹口稱該

處將軍因兵餉缺乏派往俄國邊界告知以現在科布多

內地路途梗阻。欲由俄國境內繞越前往等語。當經該處
總兵廖添派官員護送前往。科布多馳擲國斯台達卡沿
邊照料一切。俟領餉歸來。照舊送回等情前來。本總辦詢
知此案係因二月間。文大人曾與本國欽差言及伊犁一
節。求託如遇乏食。准許向本國邊界購買云云。經該欽差
行文恰克圖來便以銅錢法。寄知本國總理各國事務大
學士。當即應允。仍以此法行知。西恩畢爾總督。創飭邊界
官員照辦。並飭所有需用照料幫助。以昭和睦。是以邊界
官如此辦理。專此詳細布。希即轉達各堂大人可也。
庚申科布多參贊大臣廣鳳。幫辦大臣奎昌奏。准伊犁將

軍明緒來咨內云伊犁軍需與緊待餉甚急入關塔城戒嚴道路不通擬將一切文報並解運餉銀奏請借由俄國車站遞送現在派妥協領三音布等持文由俄國道路貴送摺報並赴科布多迎提餉銀俟協領三音布等到科時卽希飭令同本處前派迎餉之位領努爾渾布等將前經運到銀五萬兩迅速起解由俄國道路轉運來伊以顧急需等因前來等因自應照辦隨飭令糧餉章京昌續將庫內現存伊犁餉銀五萬兩照同伊犁差員三音布努爾渾布等逐一平兌飭交該三音布等承領並添派伊犁派赴京都差旋之委員錫勒春等協同護解於本年閏五月十

六日自科起運。由科屬北路臺卡及俄國臺站道路解運
回伊交納。

御批知道。

壬戌烏里雅蘇台將軍明謹奏。贊大臣車林壯多布奏。竊
等。等。適准科布多參贊大臣廣鳳等咨稱。准伊犁將軍來
文。於四月十五日拜發。偕由俄國臺站解運餉銀。派員馳
赴科布多迎提一摺。已將摺彙咨送查照在案。今又派馳
騎校格琿德等。前往科城迎提續到餉銀。希即全數交給
該員等。仍由科城大臣代雇駝隻。借由俄國臺站運為轉
運等因。准此。今該委員格琿德等。復來科城提餉。本處無

項給發。是以飭令趕赴烏里雅蘇台請領等因。格琿德。伊爾格本。帶領兵丁到烏請領。查烏里雅蘇台現有庫存前由綏遠城先後解到措撥伊犁餉銀三萬兩。前經奏明專候該處迎提。應卽添派官兵協同護解起程。查現有揀發伊犁參將富貴等九員陸續馳抵烏里雅蘇台。俱因前途道路梗塞未能起程。現由該員等內酌派參將富貴。希朗阿。遊擊熙春。都司保恆。及赴伊犁新任撫民同知興成等五員。飭令與迎提委員曉騎校格琿德。伊爾格本等帶領原來兵丁小心押解。於本年六月十二日自烏里雅蘇台起程。解往科布多。仍由該處代雇駝隻。借由俄國臺站道。

回伊犁等仍行文俄國邊界大臣○及該國守卡官員○俟
餉銀運抵俄境屬其妥為照料護送經過○即將此文飭交
委員格琿德等○攜至俄境投交○

御批○知道○

籌辨夷務始末卷之三十三